

«Jeu sundel bugen ina gada enzatgi auter»

Gruppa da teater d'uffants e giuvenils a Mustér

■ (rtr)A Mustér datti da nov ina gruppa da teater per uffants e giuvenils. **Mardi saira èn ils uffants s'entupads ed han fatg giu cura ch'i fan las emprovas, e tge toc ch'i vulan giugar.** Ir ina giada en in'autra rolla, esser insatgi tut auter e far chaussas ch'ins na dastga uschiglio betg far. Quai èn las raschuns per ils otg uffants da far part da la nova Gruppa da

teater per uffants e giuvenils a Mustér. Per la manadra e reschissura da la gruppa *Tina Bundi* èsi impurtant da pudair dar vinavant l'agen plaschair vi dal far teater e mussar als uffants da s'avrir ed esser segirs da sasezs. Sch'i dat lura pli tard ordlonder in nov commember per la Gruppa da teater Mustér, lura saja quai anc meglier, di Tina Bundi.

Ils uffants èn sa decidids da preschentar il toc «Lieb war gestern – wenn Mädchen sich nichts gefallen lassen» da Thomas Backhaus. Il toc che cuzza in'ura vegn translata da la reschissura sezza. Las emprovas cumenzan cun l'entschatta dal proxim onn da scola e las preschentaзиuns èn il cumenzament da matg 2014 a Mustér.



Tina Bundi cun sias acturas e ses acturs da la Gruppa da teater d'uffants e giuvenils a Mustér.